

سنه : ۳


۳۰ ايلول ۱۳۳۶

عدد : ۳۱



تاریخ وادستان

۱۳۳۶ هـ



برکون بیلنبر فیستی مجموعہء ملک اما
پاک چوق آرا ایراور تہدہ مجموعہء بولنیز

ایتدک شرف خدمت اجدادی فراموش
آثارینہ اسلافنک رغبت اولنیز

غزل امیری حقیر

جوهر عرفان ایله وجدانی املا ایلسم
بنده بو دنیاده بر کنجینه پیدا ایلسم
بر دل محزونی شاد ایتک المدن کلسه آم
کندیمه جنتده بر کاشانه انشا ایلسم
کوزلرمدن سینه یه یاش دوکسم استغفار ایله
بر زمین شوره زاری بنده احیا ایلسم
داغ یاقسم آتش حسرتله وجدان اوسته
اوله نامنت یری کلزار زیبا ایلسم
کلیور ایمانه ترک حرصه راضی اولیور
نیلسم بیلیم شوکافر نفسی ارضا ایلسم
غنچه علمک کل تفسیرک اولسم عاشقی
دائما کلزار توحیدی تماشا ایلسم
مدت آم عشق ایدوب یاشلر آقتسم دیددن
کوثری فوآره ساز زیر طوبا ایلسم
ای (امیری) بر محقق دستگیرم اولسه آم
شوکتاب ما-وادن حل معنا ایلسم

دیگر غزل فقیر

یاز کچمده در کیمسه ده تدبیر شتا یوق
قیش کلمده در البسه ونقد وغدا یوق
جبار کسلدی نیجه جرار ایله نهاب
بر کیمسه ده الله بیایر خوف خدا یوق
دیوان یولی باشند باشه میخانه کسلدی [۲]

[۲] دیوان یولنده آجیلان میخانه لک سد اولنسی حفته ده داخله ناظر
معالی مظاهری رشید ممتاز پاشا حضرتلری طرفندن پولیس مدیریتنه امر
وبرلایکی یوکره غزته لرده کورلش اولغله باعث شکران عظیمدر .

ممنون اولان آچاق سفها چوق رحما يوق
 منع ایتده درعشرتی عالی امریقا
 منع ایتش ایکن دین مبین، بزده حیا يوق
 حارسر ایچنده نیجه میخانه جیلر وار
 منع ایله جک آنلری براهل جزا يوق
 دست عقلا ناخن تدبیری براقدی
 بو عقدلری حل ایدم جک عقده کشا يوق
 بو ملته بر برق بلا اولدی شو (پارق) ده
 اصلنده کی موضوعی کوزلدر امانا يوق
 اوغلانلر ایله قیزلری باشند چیقارلر
 ارتق پدر ومادره دنیاده صفا يوق
 اصلنده دکلدن کوتو والله بو ملت
 بیلمم که یازیق شمدی نیچون خوف ورجا يوق
 یا کلاش یاپارز ایشلری، ظن ایلر اما
 طوغری یاپارز هر بر ایشی هیچ خطا يوق
 هم قصد ایله محروم ایدرز آب صفادن
 هم باغ ممالکده دیرز نشو ونما يوق
 خرسزلره تعظیم ورعایت بزده مخصوص
 بوندن دها برمسلك مذموم وقنا يوق
 بر محکمه در ساحه انظار عمومی
 ظن ایله آخر سکا بر حکم قضا يوق
 میدانده طورر ایشه ستانبول وممالک
 بر یرده مروتلیجه بر بیع وشرا يوق
 آثار تدنی بتون اسلامه می مخصوص
 تقدیره بهانه آرامه بزده قافایوق
 مردانه دکل بی ادبانه بو روشلر
 قاش وسمه لی یوز هپ بویالی حسن ادا يوق

خرلر کبی میدانده قاطر جلوهری چوق
 ناموس وحیا یوق کوردجک چشم ذکا یوق
 الله سیغاره بر سوری صیانه قادینلر
 مستانه سوقاقلرده کزر عار وحیا یوق
 یارب نه سفیهانه سوقاقلرده بو حالار
 حاشا دیهمم که علما یوق صااحا یوق
 بر ملک ایدر بر کوتونک مسلکی برباد
 تقدیر ایدجک بونلری صاعمه عقلا یوق
 هر کیسه ده وارد او قدر مسلک بی قید
 کویا که زمینه نظر اهل سما یوق
 اصلاح ایاه احوال المزی حضرت الله
 یوقسه بزه امید نجات ضعفای یوق
 طعن ایله دنیا به فنا سنسک «امیری»
 وارسنده قباحت دیمه تأثیر دعا یوق

ادیب مستثنا نژاد، خلیل نهاد بک افندی، محترم «صبح، پیام»
 غزته سنک ۱۱۰۷۹ نومرو لی ۲۳ ایلول تاریخی نسخه سنده حق عاجزیده
 اثر توجه والتفات اوله رق :

بر آفرین ایدر احسان بو شعره البته
 یارین امیری شهر آشعاره دک کیدرله
 بیتنی تحریر ایلمش . بو بیت ، بوندن بر سنه اول بو وزن وقافیه ده
 یازمش اولدیغم بر غزلی خاطره کتیرمش در . صحایف دیوانمه بالمراجعه
 یومحله درج ایدلمسنی مناسب کوردم . خلیل نهاد بک افندی به تشکر ایلم .

غزل امیری حقیر

کمال شوق ایله بر خوش دیاره دک کیدررز
 زیارت خلفای کباره دک کیدررز